

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

Quòd vita functo Basilisco, episcopi Asiæ dū Acacij bilem placare student,
quòd Chalcedonense Concilium damnassent, pœnitentiæ libellum
exhibuerunt. Cap. IX.

urn:nbn:de:hbz:466:1-12718

dé huius regiae & eximiæ vrbis pertinet, ex ea re fiat. Deni
que ꝑ hoc diuinū nostrū decretū vim habeat diuini edi-
cti, nemini dubium aut obscurū esse volumus. Istæ res isto
modo fuere confectæ.

De reditu Zenonis. Cap. VIII.

Zeno verò per visionem, ut fertur, cōspicatus sanctam,
strenuam, & eximiam martyre Theclā non ipsum so-
lum impellentem, verùm etiam imperij pollicentem
restitutionem, versus Constantinoplim exercitum ducit.
Atque viris qui illum obsidebant muneribus inductis, Ba-
siliscum, cum iam biennio regnauerat, imperio exturbat:
& ad sacri templi adyta configientem, hostibus auferen-
dum tradit. Quam ob causam Zeno egregiæ martyri The-
clæ amplissimum templum splendore & pulchritudine ex-
imiū Seleuciæ vrbis Isauriæ dedicauit, pluribusq; ac plane
regalibus monumentis, quæ ad nostram usque ætatem ser-
uata sunt exornauit. Basiliscus autem mittitur in Cappa-
dociam mortem oppediturus. Vbi in diuersorio nomine
Aonso vnà cum uxore & liberis trucidatur. Zeno aut
legem sancit, qua decreta Basilisci tyranni in literis gene-
ratim ad omnes perscriptis comprehensa, abrogata fuere:
& Petrus cognomine Cnapheus ecclesia Antiochena, &
Paulus Ephesiana expellitur.

Quod vita functo Basilisco, episcopi Asie dū Aca-
cij bilem placare student, quod Chalcedonen-
se Concilium damnassent, pœnitentiæ libellum
exhibuerunt. Cap. IX.

Eпископи Асии, quo Acaciū placarent, depræcari cul-
lam, veniamque petere cœperunt:mittunt quoq; ad
eum pœnitentiæ libellos, quibus asserebant se non
sua sponte, sed vi ac necessitate coactos literis Basilisci
generatim ad omnes datis subscripsisse: atque adeo iure-
iurando confirmant rem ita reuera se habere, seque non
aliter, quam concilium Chaledonense vel credidisse,
vel credere. Libelli autem hanc habet sententiam.

Epistola, siue supplex libellus ab episcopis Asie ad

Kk 3 Aca-

EVAGR. HISTORIAE

Acaciū episcopum Constantinopolitanum missus.

Acacio sanctissimo religiosissimoque ecclesiae Constantinopolis, quæ Roma noua dicitur, Patriarche.

Et postea: venit ad vos, vti par est, qui nostrum locū superpleat. Ac paulo infra. Per istos libellos agnoscimus nos, non nostra voluntate, sed necessitate adductos literis subscriptis Basilisci: eisdemque non animo, sed verbis duntaxat consensisse. Nam Dei Opt. Max. aspirante numine, cui nostræ preces gratæ acceptæque sunt, credimus non aliter q̄ à trecētis illis decē & octo orbis terræ luminibus, & centum quinquaginta sanctis patribus accepimus. Credimus præterea Actis, quæ à sanctis patribus Chalcedoni, coactis sanctè sincereque decreta sunt.

Quod autem ad ea attinet, quæ Zacharias rhetor de iis episcopis tradidit, siue ipse falso eos criminatus est, siue illi ipsi mentiti sunt se in iuitos literis Basilisci subscriptis, nō possum pro certo affirmare.

De iis qui Antiochiae episcopatu fungebantur.

Caput X.

Petro ecclesia Antiocheno extubato, Stephanus illius sedem capessit: quem Antiocheni calamis, ad similitudinem hastarum præacutis, vti scribit Ioánes rhetor, confecerunt. Quo extincto, Caládio illius sedis clavu scipit: qui omnes, qui ipsum adibant induxit, vt tum Timotheo, tuin literis Basilisci generatim ad omnes scriptis anathema indicerent.

Quod imperator Zeno cum Aeluri persequi consiliiisset, illi ob ingrauescentem etatem pepercit, qui cum è viuis excessisset, Petrus Mongus episcopus Alexadrinus creatus est, sed Timotheus qui Proterium in episcopatu sequebatur, pulso illo sedem eius imperatoris mandato capessit.

Caput XI.

Zeno autem, quāquam habebat in animo Thimotheum Alexandria expellere, tamen, cū à quibusdā iā certior factus esset, eū admodum senem esse, & quām primū commu-